

և զայլ թուղթս՝ մատուցէք այսր, զի ընթերցեալ քննեցին, և ըստ սրատշածին արձանագրեսցին. լուեալ զայսոսիկ Հայոց՝ մեկնեցան անտի: Եւ 'ի վաղիւ անդր յանդիման լեալ ատենին մի առ մի ետուն պատասխանի որ ունէր օրինակ զայս:

1°. — Գերեզմանն Քրիստոսի իւր սարօք բաժանորդութեամբ էր 'ի մէջ Հայոց և Յունաց՝ զօրութեամբ դաշնագրոյն Օմարայ և Սալահատտինի, և հրովարտակաց Սէլիմայ և այլոց առաջին թագաւորաց, և Սուլթանացն Եգիպտոսի. Լատինք յետ ժամանակաց եղեն բաժանորդ նոցա, և այսօր է՝ 'ի ձեռս երկց ազգաց՝ ըստ հրովարտակաց Մահմուտայ Արքայի:

2°. — Պատանատեղին Քրիստոսի, դարձեալ զօրութեամբ նոյն դրոց սեփհական էր ազգին Հայոց. Յոյնք և Լատինք զկնի ժամանակաց եղեն բաժանորդ նմին հրովարտակաւ, և այսօր է ընդ հսկողութեամբ երկց ազգաց:

3°. — Գերեզմանն Ս. Աստուածածնի, զօրութեամբ դաշնագրոց եւ հրովարտակաց 'ի Սէլիմայ մինչեւ ցՄահմուտ Արքայ, ընկերութեամբ է 'ի մէջ Հայոց եւ Յունաց. Լատինք չունին անդ իրաւունս, և 'ի հրովարտակի նոցին չերեւի յիշատակութիւն ինչ, եւ այսօր չունին հազորդութիւն տեղւոյն այնորիկ:

4°. — Այրն Բեթղէհէմի ընկերութեամբ է 'ի մէջ Յունաց և Հայոց՝ զոր հաստատեն բազմաթիւ վաւերական գրեանք. իսկ Մսուրն սեփհական էր ազգին Հայոց, և ունիմք վասն այնր վաւերեալ թղթեանս, բայց Լատինք նենգութեամբ յափշտակեցին զայն 'ի ձեռաց Հայոց, այժմ սրահանջեմք զիրաւունս մեր. այսօր բաժանորդ են Այրին Հայք և Յոյնք, և Մսուրն 'ի ձեռս Լատինաց, և հիւսիսային դուռն յատկացեալ Հայոց:

5°. — Եկեղեցին Բեթղէհէմի՝ յերկաթեայ դրանէ մինչեւ 'ի տեղին Ծննդեան ընկերութեամբ է Հայոց եւ Յունաց, որպէս հաստատեն զայս բազմաթիւ հրովարտակք և Հէօժձէթք դատարանի. Լատինք չունին անդ իրաւունս, թէ և ամբաստանեցին քանիցս՝ այլ ոչ եղեն լսելի:

6°. — Փակեալ դուռն 'ի հիւսիսային կողմն եկեղեցւոյն սեփհական է Հայոց. Լատինք յառաջադոյն գտեալ սա-